

UPRAVA DRUŠTVA

Broj: U.D.-01.-04.-10369/25

Sarajevo, 12.03.2025.godine

Na osnovu člana 45. Statuta „JP BH POŠTA“ d.o.o. Sarajevo, člana 70. stav (3) Zakona o javnim nabavkama i člana 18. stav (1) Pravilnika o javnim nabavkama "JP BH POŠTA" d.o.o., Pravilnikom o uslovima i načinom korištenja e-aukcije ("Službeni glasnik BiH" broj: 80/23), te prijedloga - preporuke Komisije za nabavku radova – Izvođenje radova na adaptaciji i proširenju dijela prostora Glavnog poštanskog centra broj: 07.4-11-9-13404-31/24, od 21.02.2025.godine Uprava Društva na sjednici održanoj dana 12.03.2025.godine, d o n o s i:

## O D L U K U O IZBORU NAJPOVOLJNIJEG PONUĐAČA

### I

U postupku javne nabavke radova – Izvođenje radova na adaptaciji i proširenju dijela prostora Glavnog poštanskog centra, ovom odlukom vrši se izbor najpovoljnijeg ponuđača „**KEPLER**“ d.o.o. Istočno Novo Sarajevo, u iznosu od **195.000,00 KM bez PDV-a, odnosno ukupnu vrijednost ugovora u iznosu od 228.150,00 KM sa uračunatim PDV-om.**

### II

Izabrani ponuđač je dužan u roku od 5 dana od dana prijema ove odluke dostaviti dokaze predviđene članom 45. Zakona o javnim nabavkama u formi i sadržaju kako je to zahtijevano u tenderskoj dokumentaciji ovog postupka nabavke. Dokazi moraju biti fizički dostavljeni na Protokol ugovornog organa najkasnije peti dan po prijemu odluke o izboru, u radnom vremenu ugovornog organa (do 16:00 sati), te za ugovorni organ nije relevantno na koji su način poslani. Dokazi koji se zahtijevaju moraju biti originali ili ovjerene kopije.

### III

Po okončanju roka za žalbu odnosno po pravosnažnosti ove odluke, ugovorni organ će pozvati izabranog ponuđača, radi zaključenja ugovora kojim će se regulisati međusobna prava i obaveze vezane za predmetnu nabavku, u skladu sa zahtjevima - uslovima ugovornog organa navedenim u tenderskoj dokumentaciji i zakonskim propisima koji regulišu postupke ugovaranja.

## O B R A Z L O Ž E N J E

Na osnovu Odluke o pokretanju postupka javne nabavke radova – Izvođenje radova na adaptaciji i proširenju dijela prostora Glavnog poštanskog centra br.U.D 01-04-15605/24, od 24.09.2024.godine (procjenjene vrijednosti u iznosu od 225.000,00 KM) i rješenja Generalnog direktora za provođenje postupka nabavke radova - Izvođenje radova na adaptaciji i proširenju dijela prostora Glavnog poštanskog centra broj: 01-11-9-13404-7/24, od 25.09.2024.godine, Komisija je provela postupak javne nabavke, putem otvorenog postupka u predmetu nabavke sa objavljivanjem Obavještenja o nabavci broj: 238-1-3-7-3-29/25, na Portalu javnih nabavki dana 16.01.2025.godine. Istovremeno, ugovorni organ je omogućio neograničen i direktan pristup tenderskoj dokumentaciji br 07.4-11-9-13404-22/24, putem Portala javnih nabavki, te se ista nije mogla preuzimati odnosno dostavljati na druge načine propisane Zakonom o javnim nabavkama.

Javno otvaranje ponuda u postupku predmetne nabavke, koje je održano dana 13.02.2025. godine u 10:15h, u prostorijama Generalne direkcije "JP BH POŠTA" d.o.o. Sarajevo, Obala Kulina bana br. 8, o čemu je sačinjen poseban zapisnik broj: 07.4-11-9-13404-29/24. Po završetku javnog otvaranja ponuda Zapisnik sa otvaranja je istog dana 13.02.2025. godine uručen prisutnom predstavniku ponuđača, te poslan ostalim ponuđačima putem e-maila.

Komisija je prije samog otvaranja ponuda konstatovala slijedeće:





## GENERALNA DIREKCIJA

- da je ukupno 24 (dvadesetčetiri) potencijalnih ponuđača preuzelo tendersku dokumentaciju sa Portala javnih nabavki
- da su do roka za dostavljanje ponuda pristigle ukupno 3 (tri) ponude
- da su sve kovertne neoštećene, uredno zapakovane i zapečaćene
- da su na kovertne stavljeni redni brojevi prema kojima se utvrđuje redoslijed otvaranja i čitanja ponuda, prema vremenu dostavljanja na Protokol i to: naziv ponuđača, ukupna cijena ponude i eventualno ponuđeni popust

Komisija je prilikom otvaranja ponuda javno saopštila podatke o nazivu i sjedištu ponuđača, ukupnu cijenu ponude i eventualni popust, ne praveći uvid u sadržaj i validnost dostavljene dokumentacije.

Na Protokol Društva do roka određenog za prijem ponuda (13.02.2025.godine do 10:00 sati), pristigle su ponude sljedećih ponuđača:

1. „**COSPEX**“ d.o.o. Ul. Sarajevska br.314, 72000 Zenica
2. „**KEPLER**“ d.o.o. Ul.Spasovdanska br.25, Istočno Novo Sarajevo
3. „**RADIS**“ d.o.o Ul. Jovana Dučića broj 16, Istočno Sarajevo

Nakon izvršenog otvaranja ponuda Komisija je pristupila analizi dokumentacije priložene uz ponudu u smislu provjere njene validnosti, obzirom na zahtjeve ugovornog organa iskazane u tenderskoj dokumentaciji, odnosno vrednovanju ponuda, a u skladu sa procedurama i pravilima utvrđenim Zakonom o javnim nabavkama i podzakonskim aktima i Pravilnikom o javnim nabavkama ugovornog organa, te konstatovala slijedeće:

1. Ponuda ponuđača „**COSPEX**“ d.o.o., Ul. Sarajevska br.314, 72000 Zenica sa ukupnom vrijednosti ponude od **224.911,81 KM**, ispunjava sve pravne, ekonomske i tehničke uslove ugovornog organa definisane tenderskom dokumentacijom, te je ista ocjenjena kao formalno – pravno, ekonomski i tehnički **prihvatljiva**.
2. Ponuda ponuđača „**KEPLER**“ d.o.o. Ul.Spasovdanska br.25, Istočno Novo Sarajevo sa ukupnom vrijednosti ponude, bez uračunatog PDV-a u iznosu od **224.250,21 KM**, ispunjava sve pravne, ekonomske i tehničke uslove ugovornog organa definisane tenderskom dokumentacijom, te je ista ocjenjena kao formalno –pravno, ekonomski i tehnički **prihvatljiva**.
3. Ponuda ponuđača „**RADIS**“ d.o.o Ul. Jovana Dučića broj 16, Istočno Sarajevo sa ukupnom vrijednosti ponude, bez uračunatog PDV-a u iznosu od **224.991,98 KM**, ispunjava sve pravne, ekonomske i tehničke uslove ugovornog organa definisane tenderskom dokumentacijom, te je ista ocjenjena kao formalno –pravno, ekonomski i tehnički **prihvatljiva**.

Cijeneci činjenično stanje, Komisija konstatuje da su za javnu nabavku radova – Izvođenje radova na adaptaciji i proširenju dijela prostora Glavnog poštanskog centra pristigle ukupno 3(tri) prihvatljive ponude za Ugovorni organ.

Poštujući uslove tenderske dokumentacije kojom je predviđeno održavanja E-aukcije a sve u skladu sa Pravilnikom o uslovima i načinom korištenja e-aukcije ("Službeni glasnik BiH" broj: 80/23), Komisija je zakazala e-aukciju na portalu Javnih nabavki ([www.ejn.gov.ba](http://www.ejn.gov.ba)) za dan 20.02.2025.godine sa početkom u 13:00 sati i predviđenim početnim trajanjem e-aukcije od 10 minuta.

Nakon okončane e-aukcije koja je trajala 58 minuta (Izvještaj o toku i završetku E-aukcije u prilogu) a shodno utvrđenom kriteriju „najniža cijena“, Komisija konstatuje da je:

**- cijena ponude ponuđača „COSPEX“ d.o.o. Zenica u iznosu od u iznosu od 196.000,00 KM bez PDV-a, manja za 12,854732% u odnosu na cijenu početne ponude koja je iznosila 224.911,81 KM bez PDV-a;**



GENERALNA DIREKCIJA  
-cijena ponude ponuđača „KEPLER“ d.o.o. Istočno Novo Sarajevo, u iznosu od 195.000,00 KM bez PDV-a, manja za 13,043560% u odnosu na cijenu početne ponude koja je iznosila 224.250,21 KM bez PDV-a;

-cijena ponude ponuđača „RADIS“ d.o.o. Istočno Sarajevo u iznosu od 224.991,98 KM bez PDV-a, je ostala ne promjenjena u odnosu na cijenu početne ponude .

Nakon svega gore navedenog te provedene E-aukcije, utvrđena je **konačna rang lista ponuđača** koji su ispunili kvalifikacione uslove i to kako slijedi:

Red. broj	Naziv ponuđača	Ukupna cijena ponude bez PDV-a, (KM)
1.	„KEPLER“ d.o.o. Istočno Novo Sarajevo	<u>195.000,00 KM</u>
2.	„COSPEX“ d.o.o. Zenica	<u>196.000,00 KM</u>
3.	„RADIS“ d.o.o. Istočno Sarajevo	<u>224.991,98 KM</u>

Obzirom da ponuda ponuđača „KEPLER“ d.o.o. Istočno Novo Sarajevo u ukupnom iznosu od 195.000,00 KM bez uračunatog PDV-a u potpunosti odgovara traženim tehničkim zahtjevima ugovornog organa, da ovaj ponuđač ispunjava sve formalno-pravne, tehničke i ekonomske uslove odnosno zahtjeve ugovornog organa, odnosno da je njegova ponuda prihvatljiva za ugovorni organ, data je preporuka ugovornom organu da se u predmetnom postupku javne nabavke izvrši dodjela ugovora navedenom ponuđaču.

Cijeneći navedeno donesena je odluka kao u dispozitivu.

#### PRAVNA POUKA:

Svaki ponuđač koji ima legitiman interes za konkretan ugovor o javnoj nabavci i koji smatra da je ugovorni organ u toku konkretnog postupka dodjele ugovora prekršio jednu ili više odredbi Zakona o javnim nabavkama i /ili podzakonskih akata ima pravo uložiti žalbu ugovornom organu u roku od 10 (deset) dana po prijemu odluke o izboru, shodno članu 99. i članu 101. Zakona o javnim nabavkama.



Dostaviti:

- Upravi Društva
- Centar pošta Sarajevo (nosilac posla)
- Služba marketinga
- Sektor za EKF poslove
- Sektor za razvoj i informacioni sistem
- Odjeljenju za javne nabavke
- Ponuđačima (putem komisije)
- a/a